



22. ՍԻՆԱՄ ԹԱՔԱՎՈՐԻ ՀԵՔԻԱԹԸ

Գյուն-Բաթմանի¹ Սինամ թաքավորը հայերի թաքավոր էր ու էն թավուր ղոշաղ, որ սաղ աշխարհում հատը չկար . սաղ աշխարհը նրա ոտի տակ ղողում էր ու վախում նրանից:

Հենց էդ վախտը մի ուրիշ երկրում մի թաքավոր կար: Էս թաքավորը մի տղա ունեւր՝ անումը Հասու: Էս Հասուն ինքը շոբան էր ու շատ ղոշաղ: Հասույի հոր աչքերը քոռ էին, էլ աշխարհում հեքիմ չմնաց նա բերեց, համա ոչով չկարաց լավացնի:

Մի օր թաքավորը ասեց Հասույին.

— Ոնց որ ըլնի, ա՛յ որդի, պտի էթաս սաղ աշխարհը պտտես ու աչքերիս դեղ բերես: Էլ ի՛նչ թավուր որդի ես, որ ինձ մի լավություն էլ չպտի անես:

Ղորդ ա՛ Հասուն առաջ ինքն իրա մեջ վախեց, համա հոր խաթրը չէր կարող կոտրի. նրա խոսքը իրա հմար սուրբ էր, գլուխը պտի մահի տար ու իրա հոր աչքերի հմար դեղ ճարելու:

Հասուն վրեն քցած մի արա, ձեռին բռնած մի զաղանակ՝ ճամփա ընկավ, որ էթա իրա հոր աչքերի հմար դեղ բերի: Ճամփին ռաստ էկավ մի ծեր մարդու: Էն ծեր մարդը հարցրեց, թե նա ո՛ւր

¹ Արևմուտք (Մ. Բ.):

ա էթում: Հասուն ասեց, որ էթում ա իրա քոռ հոր աչքերին դեղ բերելու:

Մերը ասեց.— Ա՛յ որդի, էդ ճամփով ով որ գնացել ա, էլ հետ չի էկե. մեղք ես, դու էլ կէթաս ու շես հետ գա:

Համա Հասուն էնքան սիրում էր իրա հորը, որ նրան շլսեց ու իրա ճամփին բռնեց դնաց: Գնաց, գնաց ճամփին մի քրդի ոսստ էկավ՝ անումը Քյալու: Սա քառասուն հազար մարդ ունեւ իրա հետ ու մարդի շէր թողնում, որ անց կենա էս ճամփով: Հասուն դնաց ու նրանց ասեց, որ ինքը դուրս կգա էն բոլորի հետ կովի, համա նրանք թուր-թվանք շրանացնեն կովելիս, քառասուն հազարն էլ դադանակներով թող դուս գան մենակ իրա վրա:

Նրանք էլ ուղի էլան ու մեր ղոշաղ Հասուն արեն փաթթեց թեւին, դազանակը առավ ձեռը ու մեյդան գուս էկավ կովի: Հասուն ում որ դազանակով տալիս էր, տեղն ու տեղը մեռնում էր: Քառասուն հազարին էլ մենակ ջարգեց ու թողեց:

Հասուն էս քրդից պրծավ ու գնաց իրա ճամփին: Գշերը վրա հասավ, շէր գիտում, թե որդի մնա. ամեն տեղ խարաբա ու քանդված տեղեր էին. շէր կարա էնթավուր տեղերը մնա, շունքի նրա հերը ասել էր, որ խարաբա տեղ իրա շաղիրը շվեր տա, թե չէ վատ կըլնի: Համա ի՞նչ աներ, մութն էր ու էլ ուրիշ տեղ չկար, որ վե դար: Անճարացած էս տեղերը իրա շաղիրը տվեց ու ինքն էլ շքնեց, որ տենա ինչ ա ըլնում: Գշերվա մի վախտ տեհավ, որ մի պառավ կնիկ էկավ: Ինքը դե էր ու իրա ծծերը էնքան երկեն ու մենձ էին, որ մինը մի ուան էր գցել, մեկելը՝ մյուս. ատամները որ իրար չէր տալի, կրակ էր դուս գալի ու մարդի սիրտ ահ ու զարզանդ գցում:

Համա ղոշաղ Հասուն վրա պրծավ ու ասեց.

— Ինձ ճանաչում ե՞ս, ես Հասուն եմ, որ քառասուն հազար մարդուն դազանակովս կոտորեցի. դու էկել ես, ինձ ի՞նչ պտի անես:

էս որ ասեց, ձեռը քցեց ու նրա մի ծիծր դուս քաշեց, դեն քցեց. հենց էնա ուզում էր, որ նրա մեկել ծիծն էլ քոքրհան անի, նա Հասույի ոտները ընկավ ու աղաչանք անելով ասեց.

— Ասու սիրու հմար, ինձ բան մի՛ անի. ինձ մոտ մի սիրուն աղջիկ կա, Գուշան թաքավորի աղջիկն ա, նրան քեղ կտամ:

Հասուն էլ նրան ձեռ շտվեց, ոտ ու ձեռը կապեց ու գնացին էս

դևի տունը: էկան, էկան, ճամփին Հասոն տեհավ մի շորան, որ հեռու ոչխար էր արածացնում: էս շորանը էնպես բանցր էր ու ղոշաղ, որ մարդ սիրտ չէր անի նրան մոտենա, համա Հասոն իսկի չվախեց նրանից: Ոտները կապած պառավին մի տեղ թողեց ու ինքը գնաց, որ իմանա, թե նա ի՞նչ մարդ ա, որ էնպես ղոշաղ ա էրևում: էս շորանը էն պառավի տղեն էր: Հասոն գնաց ու նրան ասեց, որ իրա ոչխարներից կաթ կթի, ածի ամանը, որ ինքը ուտի ու հետո վե կենան կովեն: Հասոն կերավ պրծավ ու վե կացան, որ կոխ պրծնեն:

Ղոշաղ Հասոն նրան վերցրեց ու գետնովը տվեց, էնպես որ նրա մի թևը կոտրվեց ու շունքի իրար խոսք էին տվել, որ ով ում վե քցի, նա նրան մորթի թրով, Հասոն թուրը քաշեց, որ մորթի. նա աղաչանք արեց, որ ների իրան ու շապանի: Հասոն նրան շապանեց, համա նրա ոտ ու ձեռը կապեց ու տարավ էն պառավի մոտ: Մեր ու որդի իրար ճանաչեցին: Մի քիչ էլ առաջ գնացին, Հասոն տեհավ, որ մի բանցր բոլով ու մի ղոշաղ շորան դազանակր ուսին դրած դառներ ա արածացնում: էս գառնարածն էլ էր էն դևի որդին, զարթնե էս գառնարածը մի ուրիշ տղա էլ ուներ, որ տավար էր արածացնում: Հասոն նրանց էսպես կապած թողեց ու ինքը գնաց, որ տենա էն ղոշաղ մարդը ո՞վ ա: Նա գնաց էն գառնարածի մոտ ու ասեց, որ գա իրա հետ կովի: Նա սրան տվեց դազանակով, սա՛ նրան. համա Հասոն շունքի դհա ղոշաղ էր, նրան սպանեց: էս որ տեհավ պառավը սիրտը մղկտաց ու իրա մի ծամը կտրեց, տարավ քցեց էն սպանված գառնարածի վրա, որ իրա ազիղ բայեն էր, ու ինքն էլ տեղն ու տեղը մեռավ կսկծից: Սրանից եղ Հասոն գնաց էն դևի տունը: Դրսից տեհավ, որ ակաշկամը մի սիրուն, հուրի-փարի աղջիկ նստել ա: Նա դուռը բաց արեց ու գնաց նրա մոտ:

էն սիրուն աղջիկը Հասոյի ոտները ընկավ ու ասեց.

— Ես Գուշան թաքավորի աղջիկն եմ. սրանք ինձ զոռով իմ հոր մոտից փախցրին ու բերին ըստեղ, թե կարենաս սրանց ձեռից պրծացնի, մի մենձ լավություն արած կըլնես:

Հասոն ասեց, որ բոլորին էլ վաղուց սպանել ա, ու աղջիկը ուրախացած ասեց.

— Սրանից դենը ես քունը, դու իմը. քեզանից էլ լավ մարդ պտի առնե՞մ, քեզանից էլ ղոշաղ տղա կճարե՞մ:

էս աղջիկը ասեց, որ ինքը լավ քոռ աչքեր կարա լավացնի. էս

բանի հմար Հասոն շատ ուրախացավ ու ասեց նրան, որ իրա հոր աչքերը քոռ ա, ու ասեց, որ էթան լավացնեն:

Ղոչաղ Հասոն դեի տանը ինչ որ իրան հարկավոր բան կար վե կալավ՝ թուր էր, թվանք ու էսպես ասպարներ, Գուշան թաքավորի ալջկա հետ ճամփեն բռնեցին ու գնացին: Գշերը վրա հասավ, Մու-թը էնպես կոխեո գետինը, որ մարգ մարգի աչք հաներ, շէր իմա-նա, թե ով ա: Նրանք մնացել էին մոլորված: Թե էն տեղերում մնա-լին ու իրանց շագիրը տալին՝ վախենում էին, շունքի Հասոն հորից լսել էր, որ լավ չի խարաբա տեղ շագիր տալը, հենց ինքը իրա աչ-քովը տեհել էր, որ լավ չի: Անճարացած Հասոն էլտեղ շագիր տվեց ու իրանք նստեցին, որ մի դուռում հաց գնեն բերնները, շունքի սաղ օրը դագ չէին կերել: Մեկել ի՞նչ տենան՝ մի մենձ վիշապ էկավ ու նրանց շաղբովը փաթթվեց, գլուխը գրեց պոչի վրա ու կուչ էկած մնաց:

Հասոն թուրը հանեց, վրա գնաց որ սպանի, համա վիշապը՝ էն մենձ օձը ասեց.

— Ինձ զադ քյար չի անի, ո՞նչ թուր, ո՞նչ թվանք: Թե ուզում ես, որ էրկսով էլ պրծնեք, գնա ինձ հմար Սինամ թաքավորի հե-քիաթը բեր, ես ձեզ կթողնեմ: էս աղջիկը թող ինձ մոտ մնա, նրան ես էնպես կպահեմ, որ մազին էլա վնաս չլինի:

Հասոն վե կացավ ու ընկավ ճամփա: էն մենձ օձը Սինամ թաքա-վորի քիրն էր, օձի ձևով: Գնաց, գնաց Հասոն, շատ ու քիչը աստոծ Ղիդա, մի շաղացպանի ուստ էկավ, նրան բարով տվեց, նա էլ բարովը առավ, տարավ իրանց տունը ու ասեց, որ էսօր նա իրս ղոնաղն ա: Նրա առաջ կիրակուր, բան բերեց. համա նա մի թիքա էլ ա շղրեց բերանը ու ամեն վախտ ա՛խ ու վա՛խ էր քաշում ու մտածում: Ջաղացպանը հարցրեց, թե ինչու ա էդքան ա՛խ քաշում: Նա մին-մին ասեց, ինչ որ գլխովը անց էր կացե ու ավելացրեց, որ էթում ա Սինամ թաքավորի հեքիաթը բերելու:

Ջաղացպանը ասեց.— Ես օրումս Սինամ թաքավորի անումը չեմ լսել. ես եռեսուն հազար տարեկան եմ նրա վրա զադ չեմ լսել: Մենք իրեք աղբեր ենք, ես նրանց պուճուրն եմ, գնա իմ միջնեկ աղբոր մոտ. ով գիտա, մարգ ա, կըլնի որ նրա տեղը նա իմանա, յա թե չէ նրա վրա զադ լսած ըլնի:

Առավոտը թեզ-թեղ Հասոն գնաց միջնեկ աղբոր մոտ. նա էլ պուճուր աղբոր նման հրավիրեց իրա տունը ու կիրակուր բերեց

նրա առաջը, որ ուտի, համա նա մի թիքա էլա չկարաց ուտի ու միշտ ա՛խ ու վա՛խ էր քաշում: Էս միջնեկ աղբերն էլ հարցրեց, թե ինչու ա ա՛խ քաշում:

Հասոն ասեց, որ էթում ա Սինամ թաքավորի հեքիաթը բերելու, չի գիտում, թե որդի ա նա. մենակ լսել ա, որ նա հայերի թաքավոր ա:

Միջնեկ աղբերը ասեց.— Ծս էս ա քառասուն հազար տարեկան մարդ եմ, նրան իսկի չեմ ճանաչում ու ականջով էլ ա չեմ լսել, որ Սինամ թաքավոր կա աշխարհում: Գնա իմ մենձ աղբոր մոտ, կըլնի որ նա իմանա:

Մեկել օրը Հասոն գնաց նրանց մենձ աղբոր մոտ ղոնաղ: Սիրով նրան ընդունեց բարի ջազացպանը ու նրա առաջ կիրակուրներ բերեց, որ ուտի, համա էն դարդը, որ նրա սքտումն էր, կարա՛ր թիքա բերանը դնի: Ամեն խոսք ասելուց ա՛խ ու վա՛խ էր քաշում: Ջաղացպանը հարցրեց, թե նա ինչու ա ա՛խ քաշում: Նա իրա գլխով անց կացածը մին-մին ասեց նրան ու ավելացրեց, թե՛ չի՞ գիտում նրա տեղը ու յա թե չէ նրա վրա զադ չի՞ լսել:

Մենձ աղբերը ասեց.— Ծս էս ա վաթսուն հազար տարեկան մարդ եմ, նրան չեմ տեհել. համա միտս ա գալի, երբ որ պուճուր էրեխա էի մորս խտտումը, մի խրժոցի ձեն էկավ: Ծս մորս հարցրի թե՛ էն ի՞նչ ձեն ա, նա ասեց, որ Սինամ թաքավորը էթում ա Քառասուն ծովի կղզին: Նրա հմար սրանից ավելի բան չեմ գիտում:

Հասոն տեհավ, որ էլ ճար չի ըլնում, վեր կացավ աստոծ կանչելով, նրա սուրբ անումը տալով ճամփա ընկավ ու դնաց. իսկի ինքը չէր իմանում, թե ո՛ւր ա էթում: Գնաց մի շինարու տակ, շունքի բեզարել էր՝ նստեց, որ դնջանա ու էլի վե կենա իրա ճամփի տուտը բռնի, էթա: Մեկել ի՞նչ տենա՝ մի վիշապ նի ա ըլնում էն շինարու ծառը, որ արծվի ճուտերին ուտի: Հասոյի մեղքը էկավ, տվեց վիշապին սպանեց ու պրծացրեց արծվի ձագերին. ինքն էլ ծառի տակ պառկեց ու քնեց: Արծվի ճուտերը, շունքի իրանց նա շատ լավություն էր արել, գնացին իրանց թևը նրա վրա բաց արին, որ արևը նրա վրա չընկնի ու անուջ քնի: Նրանց մերթ էկավ ու տեհավ, որ մի մարդ ծառի տակ քնել ա. էնենց իմացավ, թե էկել ա, որ գիան տա իրա ճուտերին, վրա թռավ, որ նրան թիքա-թիքա անի, համա ճուտերը առաջ ընկան ու մին-մին ասեցին, թե

իրանց ո՞նց պրծացրեց վիշապի ձեռից: Նրանց մերը, որ իմացավ նրա մենձ լավությունը, ինքն էլ գնաց թևերը բաց արեց ու փռեց նրա վրա, որ արևը նրան վնաս չտա: Հասոն որ վեր կացավ ու իրա մոտ տեհավ արծիվին, լեղին ջուր կտրեց ու թուրը ցամաքեց:

Համա արծիվը նրան ասեց.— Ուզի՛, ինչ որ կարամ՝ կտամ. դու ինձ մենձ լավություն արի՛ր, իմ ճուտերը իսկի չէին մեծանում ու փայ ին ընում էդ վիշապին, որ սպանեցիր: Չունքի՛ դու էդպես մենձ լավություն արի՛ր ինձ, ես էլ իմ դճից ուզում եմ, որ քեզ լավություն անեմ:

Հասոն նրա խոսքերից սիրտ առած ասեց, որ ուզում ա էթա Սինամ թաքավորի հեքիաթը բերի:

Արծիվը ասեց.— Թահո՛ւ, ես դեռ հլա պուճուր ճուտ էի, իմ մերը մի օր ինձ իրա մեջքին դրեց ու բարձրացրեց վերևը, էնքան որ առաջին անգամ սաղ աշխարքը մի կալի շափ էր էրևում. մի քիչ էլ բարձրացրեց ու հարցրեց թե՛ աշխարքը ի՞նչքան ա էրևում, ես ասեցի՝ մի մաղի շափ: Մերս ասեց, որ էդ մաղի մեջ մի ձվի շափ բան ա էրևում, էն Սինամ թաքավորի ամարաթն ա: Սրանից հետո իմ մերը էլի ներքև բերեց:— Արծիվը էլի ավելացրեց.— Ծս քեզ Սինամ թաքավորի մոտ կտանեի, համա ծերացել եմ, թևերումս էնքան ուժ չկա, որ քեզ էնքան հեռու տեղ հասցնեմ: Համա, թե որ ուզում ես քեզ կարենամ տանեմ Սինամ թաքավորի մոտ, մի սաղ տարի ինձ լավ պահի ու կիրակրի, որ էլի ջահելանամ, ուժս վրես գա ու կարենամ քեզ տանեմ հասցնեմ Սինամ թաքավորի մոտ:

Հասոն արծիվին մի սաղ տարի կիրակրեց, պահեց. էնպես նա ջահելացավ ու ուժովացավ, հենց իմանաս թե նոր ա աշխարք էկել:

Արծիվը ասեց Հասոյին.— Վեր կունես քառասուն լիտր դմակ ու քառասուն լիտր գինի. երբ որ ռո՞ւ կանեմ՝ գինին գցի, ռո՞ւ կանեմ՝ դմակը: Դու իմ մեջքի վրա նստած մտիկ կանես աշխարքին, երբ որ աշխարքը առաջ մի կալ կերևա, հետո մի մաղ ու նրա մեջը մի ձվի նման բան, դու ինձ դպա էն ձուն ջուռ տուր, որ դենը էթամ: Սինամ թաքավորի ամարաթը հենց էն ա:

Ինչ որ հարկավոր էր՝ Հասոն վե կալավ ու նստեց արծիվի թևերի վրա: Արծիվը թռավ, թռավ, էնքան բարձրացավ, որ աշխարքը մի՛մաղի շափ էրևաց ու նրա մեջը մի ձու: Հասոն նրան դպա դենը ծռեց, քա վեր էկավ արծիվը Քառասուն ծովի կղզին:

Վեր դրեց իրա մեջքի վրայից Հասոյին ու ասեց.— Դու գնա Սինամ թաքավորի մոտ. նա կզարմանա ու կհարցնի քեզ, ինչ որ ասեց էկար էստեղ. դու ասա որ քնեցի ու մեկել տեհա, որ էստեղ եմ: Մի քանի օր նրա մոտ լավ նոքարութիւնն արա, երբ որ նա քեզ կսիրի, դու իրան ասա, որ իրա հեքիաթը քեզ ասի: Նա ղորդ ա՛ կասի, համա քեզ հետ էնպես խոսք կկապի, որ հեքիաթը ասելուց հետո քու գլուխը կտրի. դու ասա, որ նա թողնի գաս դուրսը, ասսուն աղոթք անելու ու հետո էթաս, սաքի թե գլուխդ կտրի նա. դու մհանով դուա կգաս ու էլի վրես կնստես, կբարձրացնեմ կտանեմ քեզ. նա էլ մեզ չի հասնի:

Հասոն արծվի խոսքերը լավ լսելով վե կացավ ու գնաց Սինամ թաքավորի ամարաթը մտավ:

Նա առաջ շատ զարմացավ ու ասեց.— Դու որ ասեց էկար էստեղ:

Նա պատասխան տվեց, որ մի օր քնեցի ու մեկել տեհա, որ էստեղ եմ: Սինամ թաքավորը ուրախացավ, որ աստված իրա մոտ հողածին ա ղրկե:

Մի քանի օր նրա մոտ լավ ծառայելուց հետո մի օր Սինամ թաքավորին ասեց.

— Թաքավորն ապրած կենա, ինչ կըլնի, որ դու քու հեքիաթը ինձ ասես, սրտով ուզում եմ, որ իմանամ քու հեքիաթը:

Սինամ թաքավորը ասեց.— Ես իմ հեքիաթը ոչովին չեմ ասել, ու յա ում էլ ասել եմ, նրա գլուխը կտրել են. թե որ ուզում ես քու գլուխն էլ կտրեմ, իմ հեքիաթը կասեմ:

Հասոն ասեց.— Իմ արինը քեզ հալալ ըլնի, ինչ ուզում ես արա, թաքիլան քու հեքիաթը ինձ ասա:

Սինամ թաքավորը ա՛խ ու վա՛խ քաշելով իրա հեքիաթի տուտը բռնեց. «Ես հայերի թաքավորն էի. սաղ աշխարքը ոտիս տակը դողում էր: Մի կնիկ ունեի՝ Գյուլ անմավոր: Ես իրեք ձի ունեի՝ մինը կեծակից էր ծնվե, մեկելը քամուց, իսկ մեկելը կրակից: Քանի էթում էին՝ իմ էս ձիանները լղարում էին. ես էնպես էի իմանում, թե ձիապաններն են մեղավոր, էսպես քսանիննր ձիապանի գլուխ կտրեցի: Վերջը դուա էկա բազար, որ մի ձիապան բռնեմ: Մի քոսա ռաստ էկավ ինձ. նրան հարցրի, թե կարա լավ ձիապանութիւն անի. նա ասեց, որ շատ լավ ձիապանութիւն կանի: էս քոսա մարդին բերի ու իմ ձիանների համար ձիապան դրի: Համա էլի տեհա, որ քանի էթում՝ ձիաններս էլի լղարում են:

քերի որ քոսի գլուխը կտրեմ. նա ասեց. «Իմ գլուխը մի կտրի. արի դու քո շորերը տուր ես հագնեմ ու դու իմը հագի, գնա գոմը էս գիշեր քնի, տն'ս, թե ինչեր ա ըլնում»: Թաքավորը ձիապանի շորերը հաղավ ու գնաց գոմը գշերը էնտեղ քնեց: Աքլորականչին մեկ էլ տեհավ, որ իրա կնիկը ու զոքանչը էկան գոմը ու ձիապանին ասեցին, որ՝ թե՛ղ, ձիանները թամբի: Թաքավորը ձիանները էն սհաթին թամբեց. նրանք նստեցին, իրան քամուց էլած ձին տվին ու նա էլ նստեց: Երբ որ քամի էր ըլնում, թաքավորի ձին վազում էր, ևրբ որ շէ՛ շէր էթում, ու նրանք ծեծում էին, որ հետ ա ընկնում: էկան, էկան ու մի մաղարի մոտ կանգնեցին: Գյուլն ու զոքանչը մասն ներս: էնդեդ մի արար կար, նրա մոտ նստեցին ու սկսեցին խոսել իրար հետ: Գյուլուց ու էն արարից մի էրեխա էր էլել: Քիչ խոսեցին իրար հետ, կերան, խմեցին ու էլի ձիաններ նստեցին՝ դուզ տուն: Թաքավորի ձին, շունքի քամի չկար, հետ էր մնում. նրանք ծեծելով առաջ էին գնում: Սինամ թաքավորը էլի էկավ ու իրա շորերը հագավ, նստեց իրա տեղը ու քոսին բերեց ձիապանի տեղը: Գյուլը իմացել էր, որ Սինամ թաքավորն ա էլել, որ իրանց հետ էկել ա մինչև մաղարեն ու ամեն բան տեհել ա: Նա գնաց արարի մոտ մի դագանակ կար՝ բերեց ու նրանով տվեց Սինամ թաքավորի մեջքին՝ էլավ գել, օխտը տարի նա գելություն արեց: էթում էր դելերի մոտ, շունքի նրանից մարդի հոտ էր գալի՝ ծեծում դուա էին հանում, էթում էր քաղաք՝ շները գզում էին: Հետո, երբ որ օխտը տարին անց կացավ, Գյուլը էլի էն դագանակով խփեց ու դարձավ էշ: Օխտը տարի էլ էշություն արեց: Ով ուղում էր անփող տանում բանացնում էր սաղ օրը, տեր չկար, տիրական չկար: Օխտը տարի էլ անց կացավ թե չէ, Գյուլը դագանակով խփեց ու դարձրեց լագլագ: էլի օխտը տարի էլ լագլագություն արեց. էս նրա հմար ավելի հեշտ էր: Օխտը տարի էլ անց կացավ, Գյուլը խփեց ու էլավ շուն: Մի օր նա գնաց դասաբխանի վրա, որ իրա համար միս ձեռք բերի ու կշտանա: Տեհավ, որ մսի վրա իրա բեզրգյանը էկել ա. ու միս ա առնում: Երբ որ բեզրգյանը միս առավ ու դնում էր տուն, շունը նրա հետևից գնաց մինչև նրա տունը: Բեզրգյանը չճանաչեց Սինամ թաքավորին, համա նրա աղջիկը ճանաչեց, որ Սինամն ա: Բեզրգյանը իրա աղջկանը դրկեց Սինամ թաքավորի տունը ու ասեց. «Գնա՛, տես թե տանը մարդ չկա, տախտի վրա մի փետ կըլնի, վեր առ ու բեր»: Աղջիկը գնաց տեհավ, որ տանը մարդ

չկա ու տախտի վրա մի փետ կա: Վե կալալ բերեց ու շանր տվին՝ էլալ առաջվա Սինամ թաքավորը: Իրար փաթթվեցին, ու Սինամբ գնաց տեհավ, որ իրեքով էլ տանն են: Փետով տվեց արաբին գլժի փուշ շինեց, զոքանչին շինեց ագռավ, Գյուլին էլ տվեց ու խնձոք շինեց, քցեց ջիբը:

Սինամ թաքավորը էս ասեց ու շանց տվեց Հասոյին ասելով.— Հրես էս խնձորը Գյուլն ա, էն փուշը արաբը, էն ագռավը զոքանչըս. երբ որ նրանց էս փետով էլի տամ՝ կսաղանան: Սրանից եղես ասսուց խնդրեցի, որ ինձ տանի Քառասուն ծովի կղզին, որ մարդու, իսանորդու շտենամ ու ոնց որ տենում ես ըստեղ եմ:

Սինամ թաքավորը իրա հեքիաթը պլծավ թե չէ, Հասոյին ասեց, որ պտի գլուխը կտրի, համա Հասոն խնդրեց, որ դնա դուս ու ասսուն աղոթք անի, հետո գա, իրա արինը նրան հալալ ա: Հասոն դուս էկավ, արծվի մեջքին նստեց ու արծիվը նրան բարձրացրեց, Սինամ թաքավորը տեհավ, որ Հասոն ետացավ՝ դուս էկավ տենա ի՞նչ էլավ:

Տեհավ, որ Հասոն բարձրանում ա, հետևից ձեն տվեց: Նա հետ թամաշ արեց թե չէ՝ Սինամ թաքավորը իրան քցեց ծովը ու խեղդվեց:

Հասոն գնաց վիշապին Սինամ թաքավորի հեքիաթը ասեց, նա իրա կաշին պատռեց ու դուս էկավ մի սիրուն աղջիկ: Հասոն ու Գուշան թաքավորի աղջիկը գնացին, Հասոն իրա հոր աչքերը նրա ձեռով լավացրեց ու ինքը պսակվեց նրա վրա. օխտը օր օխտը գշեր հարսանիք էլավ, կերան, խմեցին ու քեֆ արին:

